

làmh-choille gu leth a fad, agus làmh-choille gu leth a leud.

18 Agus ni thu dà cherub òir : a dh'obair bhuailte ni thu iad aig dà cheann na cathair-thròcair.

19 Agus ni thu aon cherub aig aon cheann, agus cerub eile aig a' cheann eile do'n chathair-thròcair: ni sibh na ceruban aig a dà cheann.

20 Agus bithidh na ceruban a' sìneadh a mach an fgiath gu h-àrd, a' còmhdachadh na cathair-thròcair le'n fgiathaibh, agus an aghaidhean^a r'a chéile: re cathair-na-tròcair bithidh aghaidhean nan cerub.

21 Agus cuiridh tu a' chathair-thròcair suas air an àirc, agus anns an àirc cuiridh tu an fhianuis a bheir mise dhuit.

22 Agus coinnichidh mise thu 'n sin, agus labhraidh mi riut o nachdar na cathair-thròcair, o eadar an dà cherub a ta air àirc na fianuis, a thaobh gach *ni* a dh'aitheanas mi dhuit do chloinn Israeil.

23 Agus ni thu bòrd do fhiodh sìtim; dà làmh-choille fhad, agus làmh-choille a leud, agus làmh-choille gu leth àirde.

24 Agus còmhdaichidh tu thairis e le h-òr fìor-ghlan, agus ni thu dha coron òir m'an cuairt.

25 Agus ni thu dha iomall^b do leud boise m'an cuairt, agus ni thu coron òir d'a iomall m'an cuairt.

26 Agus ni thu dha ceithir failbheagan òir, agus cuiridh tu na failbheagan air na ceithir oimhneibh a ta aig a cheithir chofaibh.

27 Fa chomhair an iomail bithidh na failbheagan, chum àitean do na bataichibh, gus am bòrd a ghiulan.

28 Agus ni thu na bataichean do fhiodh sìtim, agus còmhdaichidh tu thairis iad le h-òr, agus giùlainear am bòrd leo.

29 Agus ni thu a mhiasan^c, agus a thùiseirean^d, agus a chuanachan^e, agus a chopain, leis an d'hoirear seachad^f iobairt-di-bhe; a dh'òr fìor-ghlan ni thu iad.

30 Agus cuiridh tu air a' bhord aran taisbeanta romhams^g 'an còmhnuidh:

31 Agus ni thu coinnleir a dh'òr fìor-ghlan: a dh'obair bhuailte nithear an coinnleir. Bithidh a chos, agus a mheoir^h, a chopain, a chnapanⁱ, agus a bhla-tha, do'n obair cheudna.

32 Agus thig fè meoir a mach as a thaobhan; tri meoir a' choinnleir a h-aon taobh dheth, agus tri meoir a' choinnleir as an taobh eile dheth:

33 Tri copain air an deanamh cosmhuil re almonaibh ann an aon mheur, *maille re* cnap agus blàth; agus tri copain air an deanamh cosmhuil re almonaibh anns a' mheur eile, *maille re* cnap agus blàth: mar sin anns na fè meoir a thig a mach as a' choinnleir.

34 Agus anns a' choinnleir bithidh ceithir copain air an deanamh cosmhuil re almonaibh, *maille re* 'n cnapaibh agus am blàthaibh.

35 Agus bithidh cnap fuidh dhà mheur dheth, agus cnap fuidh

^a an cudanan. ^b imeall, soir. ^c shoithichean. ^d liaghan, iadair, spàinean. ^e a sgàlan. ^f an taomar a mach; an còmhdaichear. ^g a mheanglain. ^h a mhill.